

沈乃文 主編

明別集叢刊 第四輯

第七十一冊

黃山書社



国家出版基金项目
NATIONAL PUBLICATION FOUNDATION


『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第四輯

第七十一冊

黃山書社



(明)何白著

汲古堂集二十八卷

清乾隆二十九年敬勝堂刻本

乾嘉九年新年賜

何元谷先生著

汲古堂文集

敬勝堂藏板

汲古堂集序

予往爲何无咎序山雨閣詩以
吳越布衣中無輩諸人口譁而
心服者半已无咎游楚登高竊
諸賦記出讀者服十九以无咎
游秦覽百二山河按行諸塞文
益富且奇于是有汲古堂集而

汲古堂集

李序

後人誦服以予言非妄予於古
未深窺第以唐論唐詩推李杜
文推韓柳四君子皆六代後人也
六代詩文纖靡俳偶風流結習
四百餘年李杜韓柳歸於大雅
成一家言人知四君子之不受
變於六代而不知四君子之善

用六代也詩文大指有四端言事
言理言情言景盡之矣六代而
前三唐而後同此宇宙爲詩文
者寧能外事理情景而立言惟
夫理與情有強造事與景有附
會誇多闢妍於字句間而纖靡
俳偶之病生焉四君子於六代

汲古堂集

李序

二

得其蘊蓄采其精華詩玄纖靡
文玄俳偶故臭腐化爲神奇而
笑罵皆成文章无咎詩宗李杜
文宗韓柳其所損益目革擇之
精守之不復故四君子超六代而
无咎踵武四君子以此夫李杜不
足於文韓柳不足於詩无咎兼

又善用四君子者也或曰无咎以汲古名堂唐人寧足盡古陸士衡不云乎世閱人而爲世人非而行暮人何世而弗新世何人而弗故四君子掃除六代蹊徑於唐若目爲古无咎別立三唐間與於今若目爲古其致一耳後

汲古堂集

李序

三

之視今猶今之視古必不以予兩喜多溢美之言矣萬曆歲在乙卯大泌山人李維楨撰



汲古堂集叙

永嘉何无咎先生别三十六年往矣百尺樓上客半已化作晨星獨无咎詩境文境氣吞千秋名走四裔真魯國之靈光陳

汲古堂集

陳序

一

留之者舊也先生雅好奇游嘗賦兩京溯三楚高陽池畔天柱峯頭流杯尚旣題名未鮮已而入潼關搜訪秦宮漢關復從大將軍出獵沙

磧中眼閃電光弓鳴霹
靂擁紫貂裘敵蒲萄酒
醉州軍書露布數十通
名王解辯於前小隊擁
歌於後洵豪舉矣歸而
偃息於東渚之上州堂

汲古堂集

陳序

二

花嶼映帶林垌宵竹鏤
而月淡曉松沉而霧黃
坐叢子晉之臺丹甌如景
之窟芙蓉負宸鷹瀑跳
珠不以籬落據之井竈
役之則以勝情勝具收之

異人異書享之將迎既
簡傲日休鵬運殊芳龍
卧乃遠收視聽於己羊
之境發鋒鏑於逐鹿之
場屋位兩頭榻穿雙膝
幾仲長樂志論詠謝眺

汲古堂集

陳序

三

驚人詩精麗沈雄迴絕
時輩昔何萬倫養志衡
門端以著述為業何子
平敦厲名行暗室如接
大賓小山兄弟都無宦情
通夫衣冠悉復古製方

之无咎非特蔭暎東甌抑
亦振持先覺玄根難朽英
彩羣飛可謂竹樹繞鐘
球之音援鶴披鶴鸞之
色矣自來隱人遊士蹊徑
不同苦樂亦異波談天鷺

汲古堂集

陳序

四

地矣較智囊絮言詬謔
沸於調塘之鳴應秣仰
易渴於牛馬之走不知
荷篠抱瓮者早倚一邱
而睥睨之惟无咎早年悟
道收晚歲得遂沈冥燕

語鶯曉無非談道鑠言螳
動即是教兒傳家積壽
身之書垂世有副山之草
日與孝廉君父子相師父
行相砥皆王謝後不死人
也予終日垂懣讀易身

汲古堂集

陳序

五

如薤鐵無復飛動意今
真汲古集一卷於案頭
裹以異錦薰以名香覺
大羅太玉与望衡對宇
相似豈必伴野客青鞵
從无咎為台蕩碧苔之

遊哉

友弟陳繼儒頓首撰



書附

往甲午過訪終日娓娓皆吉德長者

汲古堂集

陳序附

之言詩文固蒂深根又具有力大人之相不必問姑布子卿望而知其身名俱泰非浮遊猥薄兒所能夢見也恨老矣無能遑掃先生之門忽勤手教反覆讀之宛然王微蕭大圜讀也飲酒十首宛然陶處士白居易詩也坐客見之抄寫讚揚幾於頽禿弟即裝為一長卷從長松脩竹間朗讀

一過病以之代藥石宋莫以之代鼓吹北窗高枕時以之代顏氏瓢曾點瑟子孫寶之以代紀之獻鄭之瓚無施而非先生之鬚眉面目也汲古堂出自手選大言小言毫髮無遺恨極欲發皇一番以報知己會有脩郡志之後當事督促瘡利繼之不得不艸艸成篇并昭文公壽文寄上正如蓬

汲古堂集

陳書附

二

巡酒頃刻花出於藍縷風道人則可若置之鳴玉履珠諸君子之前皆譏訶嘲罵笑其艸野不擠而出之門戰以外幸矣山水老筆紛披奇峯窅兀荆關以後罕見其儔董思翁咄咄駭為勁敵弟長男在城次男在邨僅一孫六歲但解持竿逐鳥雀明歲受書今句讀猶未上口也總之天際真人

山中宰相覺无咎先生獨得其全造
物豈有私哉蓋亦有耳鳴之德焉臨
楮神往

七月廿九日友弟陳繼儒頓首頓首

跋

吾甌諸前哲之有集者自宋迄明
凡四百餘家今存者十無一二計
以四百餘家印不盡可傳披沙揀
金拔十得五望無可以追配前良
者乃皆灰飛燼滅并姓氏亦在明
晦之間則豈非文人相輕不甚愛惜
如歐公所云草木榮華之飄風鳥

獸好音之過耳而又甚好事者為
之肩任以永其傳而致然歟何无
咎先生汲古堂集二十八卷梓行
甚久據陳眉公簡云汲古出自手
選則以集為先生自定無疑而李
本寧所序山雨閣詩原刻今日未
傳意必并入以集矣第流傳未廣
故已漫漶不全先君子嗜學古先

嘗欲重刻而未暇也方今

聖天子追廣歌喜起之盛旨請教廣厲
學宮一時揚乾風雅者開文選之
樓憲奎不家玉海而不珠林選珍
伏衡茅無能為役竊以為維桑
維梓必恭敬也先生擅名隆萬
間觀其與王伯度書則其生平
宗趣可知乃遺集具在使聽其

汲古堂集

跋

二

日就湮沒承學者之恥也顧及今
不廣其傳則七与前所稱四百餘
集者等因捐貲重付梨棗自癸
未仲春迄甲申孟夏而告竣匪
敢自功抑以仰承先志耳至于
詩家例有年譜 先生既不自
輯而亦無他記載可且約畧未
免遺憾姑俟之博雅者省

乾隆二十有九年歲在馬逢涸
灘後學高朝選謹識



汲古堂集

跋

三

汲古堂集目錄

東甌何白无咎著

後學高

朝選選士校梓

朝選巢珊叅訂

卷一

樂府六十三首

卷二

樂府七十四首

卷三

五言古八十九首

卷四

五言古五十六首

卷五

五言古七十首

卷六

五言古六十九首

卷七

七言古三十八首

汲古堂集

目錄

卷八

七言古三十三首

卷九

七言古三十四首

卷十

七言古三十六首

卷十一

七言古二十九首

卷十二

七言古三十五首

卷十三

五言律一百十三首

卷十四

五言律一百三首

卷十五

七言律九十一首

卷十六

七言律一百四首

卷十七

七言律八十七首

卷十八

七言律九十二首

卷十九

五言排律三十八首

卷二十

七言排律十首

卷廿一

五言截句四十六首

卷廿二

七言截句一百九十二首

卷廿三

序二十首

卷廿四

記十六首

卷廿五

頌賦辭共九首

卷廿六

傳六首

卷廿七

尺牘四十六首

汲古堂集

目錄

卷廿八

雜著十三首

汲古堂集卷之一

東既何白无咎著 後學高朝選選士校梓

樂府

東征之什十六章

東征者何美圭叔王大夫伐也大夫應期命世能貊其德音用是銜

命東征殲其醜類宏助懋昭煌煌乎烈矣敬用作頌以備瞽宗

拜皇命

皇帝曰咨咨爾明牧匪伊之是穀實天之篤苗以播

汲古堂集

卷一

一

之用康西服允文允武爰綏爰育適有載命六師是督以靖朔方遄脂其轂

維茲句驪奄宅鮮卑曰自有土肇啟于箕累世作輔以翼皇畿蠢茲卉服孔熾孔伾乃茲厥圉亦蠶其基

王室如燬民羅于綦用而禦侮而汙其熙

臣曰休哉稽首受斧言禍其牙爰整其旅郊秣于嶠江飲于楚維齊于燕爰及遼左夙夜于征在公靡盬攬我卿士翹翹其羽罔敢弗以執轡如組

右拜皇命三章

一章章十二句二章章十四句三章章十四句

渡沮水

江之廣矣流何湯湯斯張斯皇我師孔揚受命于天

遑卹其將永其若帶一葦可杭

大夫曰吁矢言于徒毋謂爾慢憲弗爾追毋曰爾恣憲將爾試毋曰爾後憲則是糾爾不我尺我不爾直皇皇哉毋詒爾戚哉

右渡沮水二章

一章章八句二章章十一句

奮南原

荒荒南原維夷是託公曰徂征乃營于薄將探其藩以隳而角徒曰邇哉毋嬰彼攖毋界彼欲泗師潰奔亦兵之索公曰徂征有前無却勇往不回如山如嶽

汲古堂集

卷一

二

顯允君子聲容以作

觚觚餘艘翼翼龍驤鼓聲鏜鏜武夫橫橫決謀如江謀無不臧迺壹迺集舳艫相望

右奮南原二章

一章章十七句二章章八句

克栗林

栗林之役誰其克之大夫畫之元戎則之乃心乃膺文武一之盤盤曳橋夷是憑是負慘慘栗林夷是躡是蹂我馬駟駟我夫赳赳旣搃其旂旋覆其後焜氣赭天遂燔其藪爰發其笥乃翦乃刈執訊獲醜

石城言言木城莘莘我師載集一百其身轂車雷野

霓旌簪雲七萃振振彌赫彌殷穹穴用燠迺警厥魂
爰卽其壘以崩以奔

右克栗林二章一章章十七句
二章章十二句

平南海

桓桓我師乘勝喋血僬僬醜夷乃僵乃蹶迅霆砰訇
罔弗顛越遵於南海遂繁厥枿蟻潰於隄復盤於垤
番番萬艘連檣啼噪公曰邇哉毋室彼穴鯨駭斯掣
猊怒斯挾獸不擇音窮而反嚙解網示撤將乘其突
爍爍火車燦騰焱發晨燧沸波夕烽掩月馘渠俘魁
厥類是討以彌以蒐悉殄悉滅

汲古堂集

卷一

王

右平南海一章章十八句

振旅愷

僬僬醜夷三窟是憑彌天之網恢於八紘原觸遁獸
水冒逸鯨縹毛微鱗亦罔弗嬰漂血浮鹵如河如涇
崇齒膏野如邱如陵積甲蔽眡如坻如京我軍洸洸
伐鼓彭彭劔函于室弓弣于檠藩國之長遡而屏營
藩長之屬旅而膝行陳醢臚牲是將是迎再拜稽首
颺言于庭匪天弗生匪天弗成謙謙君子盅而不盈
言如弗勝維帥之明維士之勅疇曰予能寔皇之靈

右振旅愷一章章三十五句

賚武功

帝曰大夫女能於職懋勤厥績言薙其慝八戰八克
族類授馘何以申之褒號是錫又何重之五絲有絕
嘉哉嘉哉維邦之特臣拜稽首對揚休德祇服綸音
孔皇孔惕

右賚武功一章章十六句

勒遺愛

藩長有言曰侯自天蚩蚩小臣宗祏是顛累繯之緒
疇則續旃垂顛之木疇則植焉魚麗于筌乃返于淵
虞觸于藩乃逸于山悠悠蒼天匪臣之是全乃侯之

汲古堂集

卷一

四

延

陪臣有言上帝殛罰是訖宗祀之緒玷如綴旒遵彼
道周禾黍油油祿食匪謀亦孔之羞疇反我仇疇發
我幽匪天之是休乃侯之猷

國人有言我無以爲家旣殪我猘爰殲我貳旣厭我
稷爰漚我麻疇返我室是漸是摩委佗委佗維侯則
那

子子穹碑言志我思維日維月麗于天衢莫之敢指
亦罔不知君子萬年逮于本支

右勒遺愛四章

一章章十五句二章章十五句
三章章十句四章章八句